

Urbs & Opida.

Alter a Comitibus Ottingensibus ad quos Henrico Landgravio Inferioris Alsatiae Improli defuncto devotus erat, Episcopo Argentinenſi divenditus, etiamnum ei subest. Hæc autem tam parva Regio adeo humanis usibus est dedicata, ut in ea reperiantur **XLVI** Civitates & Opidula, omnia muris cinctæ, et Arces in Montibus & plano sitæ: villarum vero & vicorum non est numerus. Cæterum Alsatia duplex est, Inferior quæ hac præſenti, & Superior, quæ proxima Tabula depingitur: Vtramque *Triboci* possederunt. *Inferioris Alsatia* urbs primaria, *Argentina* recentioribus: *Argentoratum* Marcellino & Sexto Aurelio: *Argentoratum* Ptol. *La-gionem* **VIII** *Sebasten* hic collocanti. *Srtasburgum* etiam nominat Regino, qui ante annos **13** & amplius scripsit. Rob. Constantinus hanc eandem esse putat cum ea quam Aurel. Victor, & Diaconus ex Marcellino, *Argentariam* appellant, & **xxx** Alemannorum **c13** a Gratiano Imp. ibidem caſa tradit. Vulgo *Strasburg*, a platearum numero & capacitate, dicitur. Urbs sita in agro fertilissimo, habetque miram copiam Vini & Frumenti. Scribit etiam Muusterus inveniri in hac urbe aliquot centenos hortulanos, qui annuatim magnum faciunt quæstum ex Rapis, Cepis, Raphanis, Napis Brassicis, vulgo Caulibus, Papavere, aliisque id genus, quæ hic felicissime proveniunt. Urbem hanc Rheni brachium & tria alia flumina intrant, & aquis per plateas canalibus distributis similitudinem Venetiarum in urbe exhibent. Hodie Republica, Schola, ac celebri Ecclesia inclyta. Occidentem versus *Taberna* Antonino celebrata sunt. Simlerus *Zabern* vocat. *Zaberna* Frodoardus nominat. Tres *Taberna* Ammiani Ortelio videntur. De his Aufonius: *Riguasque perenni fontis Tabernas*. Fuerunt autem *Taberna* Munimentum Romanorum ad prohibendas Alemannorum in Galliam incursiones, ubi hodie Episcopi Argentorarenſis est domicilium & Curia. Hoc munimentum ab Alemannis dirutum, Ammianus scribit Iulianum Cæsarem restituisse. Abundat locus iste Vino, Frumento, omnibusque rebus usui humano necessariis. Haud procul Tabernis Opidulum quoddam est & juxta illud Monasterium, *Maurmunster*: est & aliud Monasterium parum distans a Brocomago, *Stephani Campus*, *Steffans feldt* & corrupte *Stechfeldt*, dictum. Hinc Septentrionem versus *Hagenoa* conspicitur. Urbs a Friderico Barbarossa anno **c13c1xv** muro clausa, ante vicus burgum adjunctum habens, in quo Principes terræ commorabantur venationibus vacantes. Solum habet circum Mœnia arænosum, sed sterilitatem illam compensat Ager fertilis paullo longius a Civitate dissitus. Vterius descendenti *Wissenburgum* sese offert, vulgo *Weissenburg*, quasi album castrum, insigne & clarum Opidum, ad Vogasi Montis radices; Situ amœnum, Collibus undique humilibus clausum, Nemoribus & variis arborum generibus ad Occidentem felix: Tellus Cœli benignitate frugifera: Opidum ab omni parte, Natura atque humanâ firmatum industria. Lutra amni, cujus fontes in ipsis Montibus paullo altius **vii** mill. pass. ab Opido surgunt, penetratis jam Montibus per medium intulitur: qui ubi sub Opidi Mœnibus elabitur, stricto alveo duobus millibus pass. præcipiti cursu in Rhenum uno ostio se exonerat. Loci tanta est vetustas, ut etiam apud nullos Rerum Scriptores ejus origo reperiat. Est & *Hasla* Opidum ad Bruschum fluvium: Id Francorum Rex Dagobertus (cujus filia Rathilpa cæca & surda Florentius Scotus suis precibus sanitatem obtinuerat) Florentio dono dedit, cum agris circumjacentibus,